

## Makitibi ki Judi ndangi

*Ta ki do makitibi ti ki Judi ndangi*

Makitibi la Judi kin, ndangi adi nje kaw-naa je ki lo madi ti gin kare be par al, na ndangi adi dije pæti ki nje kun go Kirisi. Ta ki me makitibi ti kin aw naa ti basi ki makitibi ki ko joo ki Piyar ndangi (2Pi. 2). Makitibi la Judi ai ki Makitibi ki ko joo la Piyar joo pu roi ki dije ki nje ndo ne ki majal. Dije kin daw a gar-de ki ræbi kaya rade.

Go kilæ ngiræ ta ti (1-2), nje ndangi makitibi ilæ jine ki togine kam nje njiyæ taa ki ne ndo ki ngom ti, ki turi dan nje kaw-naa je ti, ba æl-de adi gari tæki ta ki gangi ki bo to isi ngæm-de noo (3-16). NGa ningæ, dam ti la nje kadi-me je ba, Judi dæji-de kadi ai do njade ti me kadi-me ti (17-23). Go ti, tol ta makitibi læne ki kilæ tæji do Luwæ ti ki e ki karne ba par æ e Luwæ. Luwæ ki e nje kaji dije ki go ræbi la Jæju Kirisi (24-25).

Kin æ re makitibi kin tee ki gin togi ta ki ngom ki e ne ki daw a maji al ba, ilæ jine maji ngay do togi ti ai ki ne kindæ me do ti ki nje kun go Kirisi ingæi ki ro Luwæ ti, me to Jæju Kirisi ti ki ræbi la NDil Luwæ kin (20-21).

*Kuwæ ji-naa*

<sup>1</sup> Mi Judi, bæ kilæ la Jæju Kirisi, ki mi ngoko Jaki<sup>☆</sup>, æ m-ndangi makitibi kin m-adi sæi ki Luwæ bar sæsi, ki

---

☆ **1:1** Mt 13.55; Mk 6.3

Bawje Luwə ndigi səi, ki Jəju Kirisi ngəm səsi tə ne ləne kin. <sup>2</sup> Nینگə kadi koo kəm-to-ndoo, ki lapiya, ki ndigi-naa lə Luwə to mbar mbar ki dəsi ti.

*Njé ndo ne je ki ngom*

<sup>3</sup> Njé ndigi je ləm ki ngay, m-ndingə ngay kəte kadi m-ndangi makitibi madi səsi oji də kaji ki j-əi kare ba də ti kin. Nینگə ki basine kin, e təgi madi ki isi dəm ti kadi m-ndangi makitibi kin m-adi səsi, m-ilə-n dingəm mesi ti kadi irəi də kadi-me ti ki Luwə adi dije ləne nja kare ba par goe gangi kin. <sup>4</sup> M-əl be mbata dije madi ki ta ki gangi ki dode ti e ki ndangi me makitibi ti lə Luwə kəte nu kin, turi dansi ti, isi mbiri ta me-maji lə Luwə kin, təli-e ta ra kaya ti ləde, taa mbati dəw ki e karne ba ə e Nje kun dəje, ki e Babe ləje Jəju Kirisi kin tə.

<sup>5</sup> M-gər kadi igəri ne je pəti maji, nə m-ndigi kadi m-ole mesi də ti tək, loki Babe tēē ki dije ləne be bəə ti Ejipi ti, go ti, tə ko njé je ki rai rəde tə njé me nga je✧. <sup>6</sup> Nینگə m-ndigi kadi m-ole mesi də ti bəy tək, malayka je ki ai də təgi ti ki Luwə adi-de kin al, nə mbati lo kiside, Luwə uwə-de dangay ti lo ti ki koo, dəə-de ki kulə gindi ki kadi a toi biti ki nq ti, mbata ta ki gangi ki boy ki a re. <sup>7</sup> E be tə ə, Sodom ki Gomər✧ ki be je ki gəi gidide, ki uni rəde iləi me kaya ki ra ti, kae ti lə malayka je wa ka kin tə, adi sangi-naa ki lo sangi ti al kin, Luwə uwə-de dangay ti me por ti ki a to biti ki nq ti. Nینگə e kin e ndəji-naa ki to mbata lə dije pəti.

<sup>8</sup> E be ə, njé ndo ne je ki ngom ka kin, me də majal ti ləde, buri ki rəde, kidi təgi lə Luwə, taji malayka

---

✧ **1:5** Tēē ki taga 12.51; Kər Isirayəl je 14.29-30 ✧ **1:7** Kilə ngira ne je 19.1-25

je ki əi ne piti je. <sup>9</sup> Ne kare, Misəl ki nje kun dɔ malayka je✧, loki isi naji-naa ta ti ki su, isi kəli-naa dɔ nin Moji ti kin ka✧, sangi kadi n-gangi ta madi tɔ ne taji dɔe ti al, nɔ ta ki əl ɔa, əl ə nɔ: «Kadi Babe indəi əji✧.» <sup>10</sup> Nə dije ki njé ndo ne ki ngom kin, ne ki gəri-e al ka taji-e, nga ningə, ne gər ki ojii-de tɔ ya da je be par kin ɔa, e ne ki kadi tuji-de tɔ tuji yo. <sup>11</sup> Tuji e dɔde ti, tadɔ uni rəbi lə Kay✧; mbata lə la ə uri wale tɔ Balam✧ be; tuji tadɔ tɔi rɔ tɔ Kore✧ əi ki dije ləne be. <sup>12</sup> Kiside səsi ta ne kuso ti lə ngakonaa je, ra adi ne kuso ləsi təl ne ki to nje. Usoi je ayi-naa je adi asi-de ki kanji rəsəl, goi ta tide əi je wa. Toi tɔ kil ndi ki nəl ɔr-e aw sie adi lo kadi ədi goto kin be, toi tɔ kagi je ki nay kandidate ti ka andi al, adi loki dəw ɔr-de ki ngirəde ba kɔ ɔa, təli oyi koy ki kɔ joo kin be. <sup>13</sup> Naji kilə rade je ki to rəsəl ki taga tɔ pungi ba ki buki pulumne ngangɔ ba ti kin be. Taa toi tɔ mee je ki gəri lo kawde al, ki lo ki ndul kururu to mbata ləde biti ki nɔ ti kin be.

<sup>14</sup> E əi je ə nje kəl ta ki ta Luwə ti Enoki✧ ki e kaje ki nje kɔ siri go Adam ti ndɔ ndil dɔde ti ə nɔ: «Oi, Babe a re ki malayka je dibi kuti bay bay, <sup>15</sup> kadi gangi ta ki bo dɔ dije ti pəti. A uwə njé ra majal je pəti dangay ti əji-n dɔ kilə rade je ki majal pəti ki rai əsii ta Luwə, taa əji-n dɔ ta je ki to kəl al pəti ki əli dɔ Luwə ti tɔ.» <sup>16</sup> Əi dije ki rənəl ləde goto, isi ɔai ta ki dɔkagilo je pəti. Rai ne je ki mede ndigi, ta ki isi tɔe tade ti e rɔ ki kəji, ningə re o-de isi toi dəw pe pe kin ɔa, e kadi ingəi ne ki to soti ki darəde rɔ dəwe ti kin.

✧ **1:9** 1Təsa 4.16; Daniyəl 10.13, 21; 12.1; Ntd 12.7 ✧ **1:9**

Dətəranom 34.6 ✧ **1:9** 14-15 ✧ **1:11** Kilə ngirə ne je 4.3-8

✧ **1:11** Kər Isirayəl je 22.1-35 ✧ **1:11** Kər Isirayəl je 16.1-35

✧ **1:14** Kilə ngirə ne je 5.18, 21-24

*Ta kəji ki rə njé ndole go Kirisi ti*

<sup>17</sup> NGA ningə, ki ɔji dəsi, səi njé ndigi je ləm ki ngay, m-dəji səsi kadi adi mesi ole dɔ ta ti ki njé kaw kilə je lə Bəbe ləje Jəju Kirisi əli səsi kəte nu kin. <sup>18</sup> Əli səsi əi nə: «Dəkagilo ki dəbəy ti ə a ingəi dije ki a ibəi səsi kogii nim, a njiyəi ki go ndigi ra ti ki majal ki mede ti nim tɔ.» <sup>19</sup> Kadi igəri, e əi je ə əi njé re ki gangi-naa. Ningə mər ta je ləde e mər ki go darɔ ti, bi e mər ta ki j rɔ NDil Luwə ti al. <sup>20</sup> Nə səi, njé ndigi je ləm ki ngay, m-dəji səsi kadi adi ngirə kisi ki dɔ taa ləsi e dɔ kadi-me ti ki rɔjeti ləsi kin. Əli ta ki Luwə ki tɔgi NDile. <sup>21</sup> Ningə kadi uwəi tɔgisi ba me ndigi ti ki Luwə ndigi-je. Uwəi tɔgisi ba inginəi ta Bəbe ləje Jəju Kirisi ki me me-maji ti lie, a adi səsi kaji ki biti ki nɔ ti kin. <sup>22</sup> Njé ki mede isi təsi, maji kadi oi kəm-to-ndoo ləde. <sup>23</sup> Aji-de ki rəbi nagi ta por ti taa. Njé ki rangi bəy, maji kadi oi kəm-to-ndoo ləde, nga ningə oi rəsi maji kadi ɪlati rəsi ki kilə rade je ki majal kin al, nə kadi əsi kilə rade je ki majal ngərangi. Ɔsi ngərangi, biti kadi kibɪ rɔde ki kilə ki go darɔ ti təl-e ne ki to nje ti kin ka kadi əsi ngərangi bəy.

*Kilə tɔji dɔ Luwə ti*

<sup>24-25</sup> Kadi kilə tɔji e ki dɔ Luwə ti ki e ki karne ba ə e Luwə, e ki əsi kadi ngəm səsi adi osi me majal ti al, e ki kadi a ra adi iteɛi rəi me kunje ti ki rənəl ki kanji yoro, e ki aji-je ki rəbi lə Bəbe ləje Jəju Kirisi kin. Ningə kadi tɔba, ki kəti bəl, ki tɔgi, ki kɔbe, e lie, dəkagilo ti ki də, ki dəkagilo ki bɔne, ki dəkagilo ki a re biti ki nɔ ti! \*Amen.

**KĒLƏ-MĪNDĪ KĪ SĪGĪ****New Testament in Bedjond (CD:bjv:Bedjond)**

copyright © 2011 Wycliffe Bible Translators, Inc.

Language: Bedjond

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Bedjond

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2021-11-01

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
a4f34a03-c89e-55e0-bc3f-22f7829df823